

art grein, að svo miklu leyti sem þeir annars eru færir um, að greiða nokkurt gjald, taka þátt í sveitargjöldum, og verður í þessu tilliti eins og sagt er í 10. gr. reglugjörðar frá 8. jan. 1834 ekki haft tillit til þess, hvort þeir eru embættismenn, verzlunarmenn, bóndur, húsmenn eða aðrir; en skyldi nokkur, sem jafnað hefir verið á sveitargjaldi, álita sig undanþeginn slíku gjaldi, er honum frjálst að leita um það úrskurðar dómstólanna.

— *Brief landshöfðingja til biskups um lausn frá embættum.* — Ráðgjafinn fyrir Ísland hefir í brjefi frá 25. febrúar þ. á. tjáð mjer að sira Magnús Jónsson, prestur að Skorrastað hafi samkvæmt þegnlegustum tillögum ráðgjafans, er gjörðar voru, eptir að hann hefði meðtekið brjef mitt frá 16. oktbr. f. á., mildilegast verið skipaður sóknarprestur Grenjadarstaðarprestakalls í Þingeyjarsýslu, og í annan stað ritað mjer á þessa leið:

Þar sem skýrt er frá í nefndu brjefi hr. landshöfðingjans, að um lausn presta á Íslandi frá embætti hafi þingað til farið á þann veg, að prestur sá, er lausnar óskadi, að eins hafi skýrt stiptysfirvöldununum frá því, og um leið sent þeim tillögur hlutadeigandi prófasta og tveggja presta um eptirlaun sín með beiðni um samþykki stiptysfirvaldanna, verður ráðgjafinn að álita alla þessa aðferð svo ótílhýðilega, að tilefni sje til að fyrirskipa aðrar hentari reglur til að koma lagi á þetta mál, en til þess mun ekki nauðsynlegt að gjöra lagabreytingu. Ráðgjafinn skal því til þóknanlegrar leiðbeiningar og birtingar þjónustusamlega tjá, að í þessu efni verður eptirleiðis að fara að á þann veg, að þegar prestur á Íslandi óskar lausnar frá embætti, verður hann að senda um það reglulega og rökum studda beiðni, er annaðhvort sje rituð til hans hátignar konungins, ef hlutadeigandi hefir konunglega veitingu, ellegar, ef það er ekki, til landshöfðingja, og ber honum þá jafnframt að senda tillögur hlutadeigandi prófasts og tveggja presta um skilmálana fyrir eptirlaunum sínum. Þegar ástæða virðist til að fallast á það, er prestur hefir beiðið um, skal landshöfðingi veita honum reglulega lausn frá embætti, ef úrlausn málsins liggur undir hann, en annars verður að senda ráðgjafa beiðnina með ummælum landshöfðingja um, hvort eptirlaunakjör þau, sem upp á er stungið, sjeu aðgengileg eða ekki.

Og læt jeg ekki hjá liða hjer með þjónustusamlega að tjá hr. biskupinum þetta til þóknanlegrar leiðbeiningar og auglýsingar fyrir hlutadeigöndum.

EMBÆTTISMENN SKIPADIR OG SETTIR M.M.

Hinn 21. dag febrúarmán. þ. á., hefir hans hátign konungurinn allramildilegast skipað settan hjeradslækni Jónas Jónasson til að vera hjeradslækni í Reykjavíkur sókn, Kjósarsýslu og Gardaprestakalli í Gullbringusýslu.

S. d. var presturinn sira Magnús Jónsson á Skorrastað í Suður-Múlasýslu allramildilegast skipaður til að vera prestur Grenjadarstaðar og þverár safnaða í Þingeyjarprófastsdæmi.

S. d. var landlæknir, jústizráð. dr. með Jón Jónsson Hjaltalín, ridd. af dbrg og dbrgsm. allramildilegast skipaður til að veita jafnframt landlæknisembættinu, er hann nú hefir, læknaskólanum í Reykjavík forstöðu, og var honum veitt lausn frá hjeradslæknisembættinu í syðra hluta suðurumdæmisins, er honum hefir verið falið.

S. d. var allramildilegast veitt amtmönnum á Íslandi lögtign í 2. flokki nr. 12 lögtignunartilskipunarinnar, og forstöðumanni menntunarstofnunarinnar handa prestaefnum á Íslandi lögtign í 4. flokki nr. 5. í sömu tilskip.

Hinn 24. dag nóvembermán. f. á. var hans hátign konunginum allraþegnlegast tjáð, að fyrrver-

andi amtmaður yfir vesturumdæmi Íslands, Bjarni Thorsteinson, hefði afsalað sjer konferenz ráðsnafnbót þeirri, er honum hefði verið veitt; og hefir hann því samkvæmt 3. gr. tilskipunar frá 17. septbr. 1870¹ lætt hinn síðasta dag sama mánaðar að greiða skatt af þessari nafnbót.

Hinn 13. dag febrúarmánaðar þ. á. setti ráðgjafi konungs samkvæmt konungsráðskurði frá 19. marz 1858² exam. juris. Guðmund Pálsson til þess fyrst um sinn að hafa málaflutningsstórf á hendi við yfirdóm landsins.

Hinn 21. dag marzmánaðar setti landshöfðingi prófast sira Sigurð Gunnarsson á Hallormsstað til þess um 3 ár frá næstkomandi fardögum að þjóna Þingmúla prestakalli í Suður-Múla prófastsdæmi.

S. d. var prestur sira Eggert Ólafsson Briem á Höskuldstöðum settur til að þjóna um 3 ár frá næstkomandi fardögum Hofs og Spákonufells prestakalli í Húnavatnsprófastsdæmi.

28. s. m. var kandidat Stefán Magnús Jónsson skipaður til að vera prestur Bergstaða og Bólstaðarhlíðarsafnaða í Húnavatnsprófastsdæmi.

S. d. var aðstoðarprestur að Saurbø í Eyjafirði sira Guttormur Vigfússon skipaður til að vera prestur Svalbarðssafnaðar í Norður-Þingeyjarprófastsdæmi.

S. d. var presturinn í Meðallandsþingum sira Brynjólfur Jónsson skipaður til að vera prestur Reynis- og Höfðabrekku safnaða í Vestur-Skaptafellsprófastsdæmi.

Hinn 4. dag aprilmánaðar setti landshöfðingi Magnús yfirdómara Stephensen til að endurskoða hina árlegu jarðabókarsjóðsreikninga, gegn 400 kr. þóknun þeirri, sem veitt er með fjárlögnum.

12. s. m. var biskupi fallið á hendur, að endurnýja um 2 ár eða til fardaga 1878 löggilding prestanna sira Þorvaldar Bjarnarsonar á Reynivöllum og sira Þorkels Bjarnasonar á Mosfelli til að þjóna Kjalarnesprestakalli í Gullbringu- og Kjósarprófastsdæmi.

15. s. m. setti landshöfðingi samkvæmt tilmælum amtmannsins yfir suður og vesturumdæminu Jón ritara Jónsson til fyrst um sinn sem lögreglustjóra með dóms- og framkvæmdarvaldi á svæðinu milli Hvítánnu í Borgarfirði og Árnessýslu að gegna öllum þeim störfum til upproctingar fjárkláðans, sem sýslumennirnir í Borgarfjarðar- Kjósar- Gullbringu- og Árnessýslum og bæjarfógetinn í Reykjavík annars ættu að hafa á hendi:

ÓVEITT EMBÆTTI.

Meðallandsþing í Vestur-Skaptafellsprófastsdæmi, metið 469.⁷⁵ kr., auglýst 29. marz.

Ásar og Búland í sama prófastsd., metið 269.⁷⁵ kr., auglýst s. d.

Undirfell í Húnavatnsprófastsdæmi, metið 893.⁵⁷ kr., auglýst 3. apríl.

Samkvæmt brjefi ráðgjafans fyrir Ísland frá 19. f. m. auglýsast þessi læknaembætti til veitingar:

2. læknishjerað: Gullbringusýsla, að undanskildu Garðaprestakalli.
3. — Borgarfjarðar- og Mýrasýsla.
5. — Barðastrandarsýsla, að undanskilinni Flateyjarsókn, Garpsdals- og Staðarprestaköllum.
7. — Strandasýsla og Garpsdals og Staðarprestaköll í Barðastrandarsýslu.
8. — Húnavatnssýsla vestan Blöndu.
9. — Húnavatnssýsla austan Blöndu og Skagafjarðarsýsla, að frá skildum Fells, Barðs- og Knappstaðaprestaköllum.
10. — Þau 3 prestaköll í Skagafjarðarsýslu, er nú voru nefnd, og Hvanneyrar, Kvíabekkjjar- og Miðgarðaprestaköll í Eyjafjarðarsýslu.
12. — Þingeyjarsýsla, að undanskilinni Svalbarðssókn í Eyjafirði, Laufáss, Höfða, Háls, Svalbarðs í Þistilfirði og Sauðaness prestaköllum.
13. — Svalbarðs, Sauðaness, Skeggjastaða- og Hofs prestaköll í Þingeyjar- og Norðurmúlasýslum.
14. — Norðurmúlasýsla, að fráskildum Skeggjastaða- og Hofs prestaköllum, og úr Suðurmúlasýslu Vallaness- og Hallormsstaðar prestaköll.
16. — Hofs prestakall í Suðurmúlasýslu og öll Austurskaptafellssýsla.
17. — Vesturskaptafellssýsla.
18. — Rangárvallasýsla.

Hverju af þessum embættum fylgja 1500 króna árslaun, og ber að senda ráðgjafanum fyrir Ísland bónarbrjef um þau fyrir 8. ágúst þ. á.

1) Tilskipun þessi mun, eins og önnur tilskipun fyrir ríkið frá 2. apríl s. á. og lög 26. marz s. á., aldrei hafa verið þýdd á íslenzku nje þinglesin hjer á landi.

2) Sjá brjef dómsmálastjórn. 23. s. m. í Tíðindum um stjórnarmálefni, I, bls. 210.